



# МОНГОЛ УЛСЫН САНХҮҮ, ЭДИЙН ЗАСГИЙН САЙДЫН ТУШААЛ

2001 оны 05 дугаар  
сарын 11 ны өдөр

Дугаар 133

Улаанбаатар  
хот

## Аргачлал батлах тухай

Монгол Улсын “Нягтлан бодох бүртгэлийн хууль”-ийн 4 дүгээр зүйлийн 2 дахь заалтыг үндэслэн **ТУШААХ нь:**

1. “Аж ахуйн нэгж, байгууллагын санхүүгийн тайланд шинжилгээ хийх үлгэрчилсэн аргачлал”-ыг хавсралт ёсоор баталсугай.


2. Нягтлан бодох бүртгэлийн Олон улсын стандартад нийцүүлэн боловсруулсан энэхүү үлгэрчилсэн аргачлалыг 2001 оны 6 дугаар сарын 1-ний өдрөөс эхлэн аж ахуйн нэгж, байгууллагын санхүүгийн үйл ажиллагаанд мөрдүүлэх ажлыг зохион байгуулахыг аймаг, нийслэл, дүүргийн Засаг даргын Тамгын газрын Санхүү, эдийн засгийн бодлогын хэлтсийн дарга нарт, энэ талаар мэргэжил арга зүйн туслалцаа үзүүлж, хяналт тавьж ажиллахыг Салбарын хөгжлийн удирдлага, зохицуулалтын газар /Д.Баясгалан/-т үүрэг болгосугай.

3. Энэ тушаал гарсантай холбогдуулан “Зөвлөмж шалгуур үзүүлэлт батлах тухай” Сангийн сайдын 1994 оны 18 тоот тушаалыг хүчингүй болсонд тооцсугай.



САЙД

Ч.УЛААН







Санхүү, эдийн засгийн сайдын  
2001 оны 133 тоот  
тушаалын хавсралт.

**АЖ АХУЙН НЭГЖ, БАЙГУУЛЛА ГЫН САНХҮҮГИЙН  
ТАЙЛАНД ШИНЖИЛГЭЭ ХИЙХ ҮЛГЭРЧИЛСЭН  
АРГАЧЛАЛ**

**НЭГ : Нийтлэг зүйл**

**1. Аргачлалын зорилго**

- 1. Санхүүгийн тайланд шинжилгээ хийх үлгэрчилсэн аргачлалын зорилго нь аж ахуйн нэгж, байгууллагуудад санхүүгийн тайланд шинжилгээ хийх нэгдсэн үзүүлэлт болон арга зүйг нэг мөр болгон туслалцаа үзүүлэх.
- 2. Аж ахуйн нэгж, байгууллагын санхүү, эдийн засгийн үзүүлэлтүүдийг хооронд нь харьцуулах боломжийг хангахад оршино.
- 3. Санхүүгийн тайлангийн шинжилгээний зорилго нь :
  - Тухайн аж ахуйн нэгж, байгууллага үйлдвэрлэл, үйлчилгээ, санхүү эдийн засгийн хувьд тайлангийн хугацаанд ямар зорилт дэвшүүлж, тэр нь хэрхэн биелсэнийг тодорхойлох.
  - Санхүү, эдийн засгийн өнөөгийн хүрсэн түвшин, ирээдүйн төлөв байдлыг тодорхойлох.
  - Санхүүгийн бодлого, ирээдүйн зорилтыг хэрэгжүүлэхэд шаардагдах хүч боломж (хөрөнгө, санхүүжилт) –ыг үнэлэн тодорхойлж, удирдлагын бүх түвшинд оновчтой шийдвэр гаргахад туслах.
- 4. Аж ахуйн нэгж, байгууллагууд нь улирал, жилийн санхүүгийн тайлангийн шинжилгээ хийхдээ энэхүү үлгэрчилсэн аргачлалыг үндэс болгохын хамт үзүүлэлтүүдийг өөрийн үйл ажиллагааны онцлогт тохируулан нэмж болон өөрчилөн хэрэглэж болно.

**ХОЁР . Санхүүгийн тайлангийн  
шинжилгээ**

**2. Шинжилгээ хийх мэдээллийн бааз , шинжилгээний  
ажлын зохион байгуулалт**

- 1. Аж ахуйн нэгж, байгууллагын санхүүгийн тайланд шинжилгээ хийх мэдээллийн бааз нь :
  - а) Тайлант болон өнгөрсөн мөн үеийн санхүүгийн тайлан
  - б) Санхүүгийн тайлангийн нэмэлт тодруулга
  - в) Байгууллагын бизнес төлөвлөгөө, орлого зарлагын төсөв, эдийн засгийн бусад төлөвлөгөөт болон нормативт үзүүлэлт
  - г) Удирдлагын шийдвэр, гэрээ хэлэлцээ
  - д) Бусад тооцоо судалгаа зэрэг болно.



2. Санхүүгийн тайлангийн шинжилгээний ажлын дэс дараалал, хамрах хүрээ :

- а) Тухайн шинжилгээний зорилго, хамрах хүрээ, хугацааг тодорхойлох
- б) Урьдчилсан тойм гаргах :
  - Аж ахуйн нэгж, байгууллагын үйл ажиллагааны чиглэл, онцлогыг тодорхойлох
  - Санхүүгийн тайлан түүний тайлбар, тодруулгыг уншиж ололт дутагдлыг урьдчилан тоймлох
  - Санхүүгийн хүндрэлд орж болзошгүй байдлыг урьдчилан тооцох
- в) Санхүүгийн гүйцэтгэлийг үнэлж дүгнэх :
  - Хөрөнгө, капиталын байдлыг үнэлэх
  - Санхүү, төлбөрийн чадварыг үнэлэх
  - Хөрөнгө, капиталын ашиглалтыг үнэлэх
  - Ашиг, ашигт ажиллагааны үзүүлэлтүүдийг үнэлэх
  - Эдийн засгийн тогтворжилт, өсөлт хөгжлийн хандлага динамикийг тодорхойлох
  - Хөрөнгө оруулалтын томоохон шийдвэрүүдийг үнэлэх
  - Бизнесийн үйл ажиллагааг бүхэлд нь иж бүрэн үнэлэх
- г) Санхүү, аж ахуйн үйл ажиллагаанд нэгдсэн дүгнэлт өгөх

3. Аж ахуйн нэгж, байгууллага нь санхүүгийн шинжилгээг, улирал жилийн санхүүгийн тайланг үндэслэн хийх бөгөөд шаардлагатай тохиолдолд богино хугацааны шуурхай болон сэдэвчилсэн шинжилгээг нөлөөлсөн хүчин зүйлээр нь гүнзгийрүүлэн хийж болно.

### 3. Санхүүгийн тайлангийн шинжилгээний үзүүлэлтүүдийг тооцох аргачлал

Мэдээлэл хэрэглэгчдийг нэн шаардлагатай мэдээлэл олж авахад нь туслах зорилгоор санхүүгийн тайлангийн шинжилгээг дараах үзүүлэлт, аргачлалын дагуу хийж гүйцэтгэнэ. Шинжилгээнд хамаарах сэдвүүдийг эдийн засгийн агуулгаар нь дараах байдлаар ангилж шинжилгээг хийнэ.

- Үүнд :
1. Хөрөнгө, өр төлбөр эзэмшигчийн өмчийн бүрэлдэхүүн, динамикийн шинжилгээ
  2. Төлбөрийн чадварын шинжилгээ
  3. Санхүүгийн тогтвортой байдлын шинжилгээ
  4. Эргэцийн шинжилгээ
  5. Бүтээмжийн шинжилгээ
  6. Үндсэн хөрөнгийн шинжилгээ
  7. Орлого, үр дүнгийн шинжилгээ
  8. Ашигт ажиллагааны шинжилгээ
  9. Зах зээлийн идэвхижилын шинжилгээ
  10. Мөнгөн урсгалын шинжилгээ

#### 1. Хөрөнгө, капиталын бүрэлдэхүүн, динамикийн шинжилгээ

Балансын үндсэн бүлэг, зүйл ангиудын бүрэлдэхүүн ( хувийн жин), динамик ( абсолют ба харьцангуй өөрчлөлт ) – ийг тайлант үеийн эцэс болон



эхний үлдэгдлээр зэрэгцүүлэн тодорхойлж үндсэн өөрчлөлтийн зэрэг ба сөрөг нөлөө, үүссэн шалтгаан, нөлөөлсөн хүчин зүйлээр нь дүгнэлт өгнө.

Ингэхдээ бүтэц бүрэлдэхүүний өөрчлөлтийг тайлангийн хугацаанд дэвшүүлсэн зорилт, хэрэгжүүлсэн үйл ажиллагаа, хөрөнгө оруулалт, санхүүгийн бодлого, тэдгээрийн үр дүнтэй холбон тайлбарлах, дүгнэлт өгөх нь зүйтэй.

## 2. Төлбөрийн чадварын шинжилгээ

Зах зээлийн нөхцөлд аж ахуйн нэгж, байгууллагуудын өр, зээл төлөх чадварыг зайлшгүй үнэлэх, түүнчлэн санхүүгийн боломжийг нэмэгдүүлэхтэй холбогдож төлбөрийн чадварыг шинжлэх хэрэгцээ үүссэн байна.

Тухайн аж ахуйн нэгж, байгууллагын өр төлбөрөө барагдуулах хугацаа, боломжийг төлбөрийн чадварын шинжилгээгээр харуулдаг.

Төлбөрийн чадварын шинжилгээг дараах үзүүлэлтүүдийн дагуу тайлант үеийн эхэн ба эцсийн байдлаар хийнэ. Үүнд :

$$2.1 \text{ Цэвэр эргэлтийн хөрөнгө} = \frac{\text{Нийт эргэлтийн хөрөнгө} - \text{Богино хугацаат өр төлбөр}}{\text{Богино хугацаат өр төлбөр}}$$

$$2.2 \text{ Үнэмлэхүй хөрвөх хөрөнгийн харьцаа} = \frac{\text{Мөнгөн хөрөнгө} + \text{ТБҮЦ}}{\text{Богино хугацаат өр төлбөр}}$$

$$2.3 \text{ Түргэн хөрвөх хөрөнгийн харьцаа} = \frac{\text{Мөнгөн хөрөнгө} + \text{ТБҮЦ} + \text{Авлага}}{\text{Богино хугацаат өр төлбөр}}$$

ТБҮЦ – түргэн борлогдох үнэт цаас

$$\text{Түргэн хөрвөх хөрөнгө} = \text{Мөнгөн хөрөнгө} + \text{ТБҮЦ} + \text{Авлага}$$

Түргэн хөрвөх хөрөнгөнд бараа материал үнэ бүхий зүйлийг оруулдаггүй. Учир нь : а) Хөрвөх чадвар удаан

б) Балансын өртөгөөрөө төлбөрийн хэрэгсэл болж чаддаггүй

$$2.4 \text{ Эргэлтийн харьцаа} = \frac{\text{Нийт эргэлтийн хөрөнгө}}{\text{Богино хугацаат өр төлбөр}}$$

$$2.5 \text{ Эргэлтийн хөрөнгийн хувийн жин} = \frac{\text{Нийт эргэлтийн хөрөнгө}}{\text{Балансын цэвэр дүн}}$$

$$2.6 \text{ Цэвэр эргэлтийн хөрөнгийн хувийн жин} = \frac{\text{Цэвэр эргэлтийн хөрөнгө}}{\text{Нийт эргэлтийн хөрөнгө}}$$



$$2.7 \text{ Он дамжсан болон хугацаа хэтэрсэн өр төлбөрийн хувийн жин} = \frac{\text{Хугацаа хэтэрсэн өр төлбөр}}{\text{Нийт өр төлбөр}}$$

### 3. Санхүүгийн тогтвортой байдлын шинжилгээ

Аж ахуйн нэгж, байгууллагуудын хөрөнгийн эх үүсвэрийн хэмжээ, бүтэц бүрэлдэхүүн, түүний өөрчлөлт зэрэг нь санхүүгийн тогтвортой байдлыг харуулах үндсэн үзүүлэлт болдог. Санхүүгийн тогтвортой байдлын шинжилгээг дараах үзүүлэлтүүдийн дагуу хийнэ. Үүнд:

$$3.1 \text{ Бие даах чадварын коэффициент} = \frac{\text{Өөрийн капитал}}{\text{Балансын цэвэр дүн}}$$

Өөрийн капитал = Эзэмшигчдийн өмчийн дүн

Энэ нь гадны эх үүсвэрээс хараат бусаар, өөрийн санхүүжилтээр бие дааж үйл ажиллагаа явуулах чадварыг харуулдаг.

$$3.2 \text{ Санхүүгийн хамаарлын коэффициент} = \frac{\text{Балансын цэвэр дүн}}{\text{Өөрийн капитал}}$$

$$3.3 \text{ Зохицуулалтын коэффициент} = \frac{\text{Өөрийн эргэлтийн капитал}}{\text{Өөрийн капитал}}$$

Өөрийн эргэлтийн капитал = Өөрийн капитал + урт хугацаат өр төлбөр – үндсэн хөрөнгө ба хөрөнгө оруулалт, биет бус хөрөнгө

$$3.4 \text{ Гадны капиталын хувийн жин} = \frac{\text{Гадны капитал}}{\text{Нийт капитал (Балансын пассивийн дүн)}}$$

Энэ нь тухайн компанийн нийт хөрөнгийн ямар хэсгийг гадны хөрөнгөөр санхүүжүүлж байгааг харуулна.

Гадны капитал = Богино болон урт хугацаат өр төлбөрийн нийлбэр дүн юм.

$$3.5 \text{ Урт хугацаат зээл өөрийн капиталын харьцаа} = \frac{\text{Урт хугацаат зээл}}{\text{Өөрийн капитал}}$$

$$3.6 \text{ Гадны ба өөрийн капиталын харьцаа} = \frac{\text{Гадны капитал}}{\text{Өөрийн капитал}}$$

3.7 Төлбөрийн хэтийн боломжийн үзүүлэлтүүд :

$$а) \text{ Хүү төлөх чадвар} = \frac{\text{Хүү} + \text{ТӨЦА}}{\text{Хүүгийн зардал}}$$

ТӨЦА – Татварын өмнөх цэвэр ашиг

$$б) \text{ Хүү ба үндсэн өрийг төлөх чадвар} = \frac{\text{Хүү} + \text{ТӨЦА} + \text{Байгуулсан элэгдлийн шимтгэл}}{\text{Хүүгийн зардал} + \text{Үндсэн өр(анх авсан зээл)}}$$

в) Альтманы индекс :

$$Z = 3.3K1 + 1.0K2 + 0.6K3 + 1.4K4 + 1.2K5$$

Энэ Z индекс нь 2.675 байх ёстой. Хэрэв  $Z < 2.675$  бол тухайн компани дампууралд орж болзошгүй, харин  $Z \geq 2.675$  бол тухайн компанийн санхүүгийн байдал тогтвортойг харуулна.

$$K1 = \frac{\text{Хүү} + \text{ТӨЦА}}{\text{Нийт хөрөнгө}}$$

$$K2 = \frac{\text{Борлуулалтын орлого}}{\text{Нийт хөрөнгө}}$$

$$K3 = \frac{\text{Өөрийн капитал}}{\text{Гадны капитал}}$$

$$K4 = \frac{\text{Ногдол ашиг төлсөний дараах цэвэр ашиг}}{\text{Нийт хөрөнгө}}$$

$$K5 = \frac{\text{Өөрийн эргэлтийн капитал}}{\text{Нийт хөрөнгө}}$$

4. Эргэцийн шинжилгээ

Эргэц нь эргэлтийн хөрөнгийн нэг хэлбэрээс нөгөөд шилжих хөдөлгөөнийг илэрхийлдэг. Эргэц түргэсэхийн хэрээр үйлдвэрлэлийн үр ашиг нэмэгддэг.



Эргэцийн шинжилгээг дараах үзүүлэлтийн дагуу хийнэ. Үүнд :

$$4.1 \text{ Авлагын эргэц (удаа) } = \frac{\text{Борлуулалтын орлого}}{\text{Авлагын дундаж үлдэгдэл}}$$

$$4.2 \text{ Авлагын эргэц (өдөр) } = \frac{360 \text{ хоног}}{\text{Авлагын эргэц ( удаа )}}$$

$$4.3 \text{ Нөөцийн эргэц (удаа) } = \frac{\text{Борлуулсан бүтээгдэхүүний өртөг(ББӨ)}}{\text{БМҮБЗ –ийн дундаж өртөг}}$$

БМҮБЗ – Бараа материал, үнэ бүхий зүйл

$$\text{ББӨ} = \text{ДҮ1} + \text{ШМ} + \text{ШХ} + \text{ҮНЗ} - \text{ДҮ2} + \text{ББ1} - \text{ББ2}$$

ДҮ1, ДҮ2 – Дуусаагүй үйлдвэрлэлийн эхний ба эцсийн үлдэгдэл

ББ1, ББ2 – Бэлэн бүтээгдэхүүний эцсийн ба эхний үлдэгдэл

ШМ – Шууд зардал

ШХ – Шууд хөдөлмөр

ҮНЗ – Үйлдвэрлэлийн нэмэгдэл зардал

$$4.4 \text{ Нөөцийн эргэц (өдөр) } = \frac{360 \text{ хоног}}{\text{Нөөцийн эргэц ( удаа )}}$$

$$4.5 \text{ Эргэлтийн хөрөнгийн эргэц ( удаа ) } = \frac{\text{Борлуулалтын орлого}}{\text{Эргэлтийн хөрөнгийн дундаж үлдэгдэл}}$$

$$4.6 \text{ Эргэлтийн хөрөнгийн эргэц ( өдөр ) } = \frac{360 \text{ хоног}}{\text{Эргэлтийн хөрөнгийн эргэц (удаа )}}$$

$$4.7 \text{ Нийт хөрөнгийн ачаалалт } = \frac{\text{Нийт орлого (борлуулалтын орлого)}}{\text{Балансын цэвэр дүн}}$$

$$4.8 \text{ Өглөгийн эргэц (удаа) } = \frac{\text{Зээлээрх худалдан авалт}}{\text{Өглөгийн дундаж үлдэгдэл}}$$

$$4.9 \text{ Өглөгийн эргэц (өдөр) } = \frac{360 \text{ хоног}}{\text{Өглөгийн эргэц ( удаа )}}$$

$$4.10 \text{ Үйлдвэрлэлийн циклийн хугацаа} = \text{Авлагын эргэц (өдөр) + Нөөцийн эргэц ( өдөр )}$$

$$4.11 \text{ Санхүүгийн циклийн хугацаа} = \text{Авлагын эргэц (өдөр) + Нөөцийн эргэц (өдөр) - Өглөгийн эргэц ( өдөр )}$$

### 5. Бүтээмжийн шинжилгээ

Бүтээмжийн шинжилгээг дараах үзүүлэлтүүдийн дагуу өмнөх ба төлөвлөсөн хэмжээтэй нь зэрэгцүүлэн хийж дүгнэлт өгнө.

$$5.1 \text{ Хөдөлмөрийн бүтээмж} = \frac{\text{Борлуулалтын орлого}}{\text{Ажиллагсадын дансны дундаж тоо}} \text{ эсвэл}$$

$$\text{Эсвэл} \quad \frac{\text{Нэмэгдсэн өртөг}}{\text{Ажиллагсадын тоо}}$$

$$5.2 \text{ Үндсэн хөрөнгийн ачаалал (фонд өгөмж)} = \frac{\text{Борлуулалтын орлого}}{\text{Үндсэн хөрөнгийн дундаж өртөг}}$$

$$5.3 \text{ Материал өгөмж} = \frac{\text{Борлуулалтын орлого}}{\text{БМҮБЗ –ийн дундаж өртөг}}$$

$$5.4 \text{ Эдийн засгийн тогтвортой өсөлтийн коэффициент} = \frac{\text{Цэвэр ашиг – Төлсөн ногдол ашиг}}{\text{Өөрийн капитал}}$$

$$5.5 \text{ Хөдөлмөрийн зардлын өрсөлдөх чадвар} = \frac{\text{Нэмэгдсэн өртөг}}{\text{Хөдөлмөрийн зардал}} > 1$$

### 6. Үндсэн хөрөнгийн шинжилгээ

Үндсэн хөрөнгийн шинжилгээг дараах үзүүлэлтийн дагуу оны эхэн ба эцсийн байдлаар хийж зэрэгцүүлсэн дүгнэлт өгнө. Үүнд :

#### 6.1 Үндсэн хөрөнгийн хувийн жин

$$\frac{\text{Нийт үндсэн хөрөнгийн өртөг}}{\text{Балансын цэвэр дүн}}$$



6.2 Үндсэн хөрөнгийн нийт дүнд үйлдвэрлэлийн зориулалттай үндсэн хөрөнгийн эзлэх хувийн жин

Үйлдвэрлэлийн зориулалттай үндсэн хөрөнгө

Нийт үндсэн хөрөнгийн өртөг

6.3 Үндсэн хөрөнгийн элэгдлийн коэффициент

Үндсэн хөрөнгийн хуримтлагдсан элэгдэл

Үндсэн хөрөнгийн балансын өртөг

6.4 Үндсэн хөрөнгийн шинэчлэлтийн коэффициент

Тайлант хугацаанд шинээр ашиглалтанд орсон үндсэн хөрөнгийн анхны өртөг

Тайлант хугацааны эцэст байсан үндсэн хөрөнгийн анхны өртөг

6.5 Үндсэн хөрөнгийн хасагдалтын коэффициент

Тайлант хугацаанд ашиглалтаас хасагдсан үндсэн хөрөнгийн анхны өртөг

Тайлант хугацааны эхэнд байсан үндсэн хөрөнгийн анхны өртөг

### 7. Орлого, үр дүнгийн шинжилгээ

7.1 Компаний нийт ба борлуулсан бүтээгдэхүүний бүрэлдэхүүн (хувийн жин), тэдгээрийн хэлбэлзлэлийг өмнөх он, төлөвлөгөөтэй нь зэрэгцүүлэн судалж, орлогын хичнээн хувь нь юунд хэрхэн зарцуулагдсанд дүгнэлт өгнө.

7.2 Компаний орлогын өсөлтөнд нөлөөлсөн хүчин зүйл (бүтээгдэхүүн, үйлчилгээний тоо хэмжээ, бүрэлдэхүүн, худалдах үнэ, валютын ханшны өөрчлөлт, борлуулалтын буцаалт, үнэ хямдруулалт гэх мэт) –ийн нөлөөллийг тулгуур үетэй нь зэрэгцүүлэн тодорхойлж дүгнэлт өгнө.

7.3 Компаний үйлдвэрлэлийн болон удирдлага үйлчилгээний нийт зардал, үйлдвэрлэсэн болон борлуулсан бүтээгдэхүүний өртөгийн харьцангуй хэлбэлзэл, зардлын хуваарилалт, нэгжийн өртөгийн тооцоог батлагдсан төсөвтэй нь зэрэгцүүлэн дүгнэлт гаргана.



#### 7.4 Компаний нэмэгдсэн өртөг, түүний хуваарилалт :

Нэмэгдсэн өртөг = Борлуулалтын болон – Гаднаас худалдан  
Бусад орлогын нийлбэр авалтын өртөг

Нэмэгдсэн өртөг = Хөдөлмөрийн + Элэгдлийн + Цэвэр  
зардал зардал ашиг

7.5 Борлуулалтын болон татварын өмнөх ашигт нөлөөлсөн хүчин зүйл (борлуулалтын тоо хэмжээ, худалдсан үнэ, борлуулалтын өртөг, үйл ажиллагааны зардал гэх мэт) – ийн нөлөөллийг тооцоолж үнэлэлт өгч, санал боловсруулна.

#### 8. Ашигт ажиллагааны шинжилгээ

Бизнесийн эцсийн зорилго нь ашиг олох явдал бөгөөд оруулсан хөрөнгийг илүү үр бүтээлтэй ашиглаж, орлогоороо зардлаа нөхөөд ашигтай ажилласн нөхцөлд үйл ажиллагаагаа өргөтгөх боломжтой болно. Ашигт ажиллагааны шинжилгээ нь эдийн засгийн үр ашгийн нэгдсэн үзүүлэлт бөгөөд оруулсан хөрөнгийн нэгж тутмаас олсон ашгийн хэмжээг мөнгөөр илэрхийлдэг чухал үзүүлэлт юм. Ашигт ажиллагааны шинжилгээг дараах үзүүлэлтүүдийн дагуу хийж, өнгөрсөн он болон төлөвлөгөөтэй нь зэрэгцүүлэн дүгнэлт өгнө. Үүнд :

$$8.1 \text{ Борлуулалтын ашигт ажиллагаа} = \frac{\text{Үндсэн ажиллагааны цэвэр орлого}}{\text{Борлуулалтын орлого}}$$

$$8.2 \text{ Өртгөөр тооцсон борлуулалтын ашигт ажиллагаа} = \frac{\text{Үндсэн ажиллагааны цэвэр орлого}}{\text{Борлуулсан бүтээгдэхүүний өртөг}}$$

$$8.3 \text{ Хөрөнгийн ашигт ажиллагаа} = \frac{\text{Цэвэр ашиг}}{\text{Балансын цэвэр дүн}}$$

$$8.4 \text{ Өөрийн капиталын ашигт ажиллагаа} = \frac{\text{Цэвэр ашиг}}{\text{Өөрийн капитал}}$$

#### 9. Зах зээлийн идэвхижилын шинжилгээ

Зах зээлийн идэвхижилын шинжилгээг дараах үзүүлэлтүүдийн дагуу хийнэ. Үүнд :



$$9.1 \text{ Зах зээлийн үнэ ба ашгийн харьцаа} = \frac{\text{Нэгж хувьцааны зах зээлийн үнэ}}{\text{Нэгж хувьцаанд ногдох цэвэр ашиг}}$$

Дээрхи үзүүлэлт нь тухайн компанийн хувьцааны эрэлтийг харуулдаг гол үзүүлэлт бөгөөд хувьцааны нэгжид ногдох нэг төгрөгийн ашигт хөрөнгө оруулагчид хэдэн төгрөг төлж байгааг харуулдаг.

$$9.2 \text{ Зах зээлийн үнэ ба бүртгэлийн үнийн харьцаа} = \frac{\text{Нэгж хувьцааны зах зээлийн үнэ}}{\text{Нэгж хувьцааны бүртгэлийн үнэ}}$$

Дээрхи үзүүлэлт нь тухайн үед хувьцааны нэгжид ногдох бодит хөрөнгийн, бүртгэлийн үнээс давуулж төлсөн үнэ буюу хөрөнгө оруулагчдын зүгээс компаний ирээдүйд хэр итгэж байгааг харуулдаг чухал үзүүлэлт юм.

$$9.3 \text{ Нэгж хувьцааны бүртгэлийн үнэ} = \frac{\text{Хувьцаа эзэмшигчдын өмч}}{\text{Энгийн хувьцааны тоо}}$$

$$9.4 \text{ Ногдол ашгийн олголт} = \frac{\text{Нэгж хувьцааны ногдол ашиг}}{\text{Нэгж хувьцааны цэвэр ашиг}}$$

Дээрхи үзүүлэлт нь тухайн компани цэвэр ашгийнхаа хэдэн хувийг хувьцаа эзэмшигчдэд ногдол ашгийн хэлбэрээр хуваарилж байгааг харуулдаг.

$$9.5 \text{ Хувьцаа эзэмшигчдын ашигт ажиллагаа} = \frac{\text{Нэгж хувьцааны ногдол ашиг}}{\text{Нэгж хувьцааны зах зээлийн үнэ}}$$

Дээрхи үзүүлэлт нь тухайн компанид оруулсан хөрөнгөнөөс хувьцаа эзэмшигчдийн хүртэж байгаа өгөөжийг харуулдаг.

$$9.6 \text{ Хувьцааны нэгжид ногдох ногдол ашиг} = \frac{\text{Цэвэр ашиг – ДХ – ХА}}{\text{Гаргасан энгийн хувьцааны тоо}}$$

ДХ – давуу эрхтэй хувьцаанд хуваарилсан ногдол ашиг  
 ХА – Хуримтлагдсан ашгийг нэмэгдүүлсэн хэсэг

Дээрхи үзүүлэлт нь хувьцаа эзэмшигчдэд хуваарилсан ногдол ашгийн хэмжээг харуулдаг. Гэхдээ хөрөнгө оруулагчид хувьцааг худалдан авахдаа ногдол ашгийн төлөө бус тухайн компаний үр ашигтай ажиллагаа, ирээдүйн найдвартай байдлыг чухалчилдаг. Иймээс хувьцааны нэгжид ногдох ашиг өсөх нь үнэт цаасны зах зээл дээр тухайн компаний нэгж хувьцааны үнэ өсөх үндсэн шалтгаан болдоггүй.



### 10, Мөнгөн урсгалын шинжилгээ

Байгууллагын санхүү төлбөрийн чадварын өнөөгийн байдал, хэтийн төлөвийг тодорхойлж үнэлэлт өгөхөд мөнгөн урсгалын шинжилгээ чухал мэдээллийг багтаадаг. Мөнгөн урсгалын шинжилгээг дараах үзүүлэлтүүдийн дагуу хийнэ. Үүнд :

$$10.1 \text{ Ажлын капитал ба } = \frac{\text{Ажлын капитал}}{\text{Борлуулалтын орлого}}$$

борлуулалтын харьцаа

Ажлын капитал = эргэлтийн хөрөнгө – богино хугацаат өр төлбөр

$$10.2 \text{ Ажлын капитал ба } = \frac{\text{Ажлын капитал}}{\text{Балансын цэвэр дүн}}$$

хөрөнгийн харьцаа

$$10.3 \text{ Мөнгөн орлого ба } = \frac{\text{Үйл ажиллагааны мөнгөн орлогын гүйлгээ}}{\text{Борлуулалтын орлого}}$$

борлуулалтын харьцаа

$$10.4 \text{ Мөнгөн орлого ба } = \frac{\text{Үйл ажиллагааны мөнгөн орлогын гүйлгээ}}{\text{Балансын цэвэр дүн}}$$

хөрөнгийн харьцаа

$$10.5 \text{ Мөнгөн зарлага ба } = \frac{\text{Үйл ажиллагааны мөнгөн зарлага}}{\text{Борлуулалтын өртөг}}$$

борлуулалтын харьцаа

10.6 Ажлын капитал болон мөнгөн сангийн эх үүсвэр (нэмэгдсэн), зарцуулалтыг үйл ажиллагааны төрөл, зүйл тус бүрээр тодорхойлж тэдгээрийн цэвэр өсөлт, бууралтанд хэрхэн нөлөөлсөн тухайд дүгнэлт өгнө.

Нягтлан бодох бүртгэл, магадлагааны хэлтэс